

Na osnovu člana 16. stav 4 Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) na prijedlog Ministarstva unutrašnjih poslova, Vlada Zeničko-dobojskog kantona na 39. sjednici, održanoj dana 14.01.2016. godine, donosi

ZAKLJUČAK

I.

Prihvata se mišljenje Ministarstva unutrašnjih poslova Zeničko-dobojskog kantona dato po inicijativi Handžić Hasana poslanika u Skupštini Zeničko-dobojskog kantona vezano za izmjene i dopune Zakona o nabavljanju, držanju i nošenju oružja i municije.

II.

Zaključak sa Mišljenjem Ministarstva unutrašnjih poslova upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Broj: 02-_____/16.
Datum, 14.01.2016. godine
Zenica

Miralem Galijašević

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.

OBRAZLOŽENJE

I PRAVNI OSNOV

Pravni osnov za donošenje Zaključka sadržan je u odredbi člana 16. stav (4) Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) kojim je propisano da Vlada zaključkom utvrđuje stavove o pitanjima od značaja za provođenje unutrašnje politike, uređuje unutrašnje odnose u Vladi i određuje zadatke kantonalnim organima uprave i službama Vlade.

II RAZLOZI ZA DONOŠENJE

Razlog donošenja predloženog Zaključka je inicijativa poslanika Handžić Hasana u Skupštini Zeničko-dobojskog kantona, koja je Vladi Kantona na mišljenje proslijeđena aktom Skupštine broj: 01/02-02-22659/15 od 24.12.2015.godine , a odnosi se na izmjene i dopune Zakona o nabavljanju, držanju i nošenju oružja i municije.

Podnesena inicijativa podrazumijeva izmjene i dopune Zakona o nabavljanju, držanju i nošenju oružja i municije-Prečišćeni tekst u smislu da se produži rok za zamjenu oružnih listova na nekoliko mjeseci kako bi se omogućilo legalnim vlasnicima oružja da zadrže svoje oružje, a sve iz razloga jer isti nisu blagovremeno i adekvatno obaviješteni o krajnjem roku za zamjenu oružnih listova što za posljedicu ima oduzimanje vatrenog oružja.

III POTREBNA FINANSIJSKA SREDSTVA

Za donošenje i provođenje ovog Zaključka nije potrebno osigurati dodatna sredstva u budžetu Zeničko-dobojskog kantona.



Broj: 08-04/1- /16.
Datum: 05.01. 2016. godine.

Stručna služba Skupštine Zeničko-dobojskog kantona uputila je ovom ministarstvu inicijativu poslanika u Skupštini Zeničko-dobojskog kantona Handžić Hasana, za izmjene i dopune Zakona o nabavljanju, držanju i nošenju oružja i municije-Prečišćeni tekst ("Službene novine Zeničko-dobojskog kantona", broj: 9/13 i 1/14), radi davanja mišljenja povodom pokrenute inicijative. U tom smislu Ministarstvo unutrašnjih poslova Zeničko-dobojskog kantona daje s l i j e d e ć e:

MIŠLJENJE

Podnesena inicijativa podrazumijeva izmjene i dopune Zakona o nabavljanju, držanju i nošenju oružja i municije-Prečišćeni tekst, u smislu da se produži rok za zamjenu oružnih listova na nekoliko mjeseci kako bi se omogućilo legalnim vlasnicima oružja da zadrže svoje oružje, a sve iz razloga jer isti nisu blagovremeno i adekvatno obaviješteni o krajnjem roku za zamjenu oružnih listova što za posljedicu ima oduzimanje vatrenog oružja.

Ministarstvo unutrašnjih poslova Zeničko – dobojskog kantona, ne podržava Inicijativu za izmjene i dopune Zakona o nabavljanju, držanju i nošenju oružja i municije-Prečišćeni tekst ("Službene novine Zeničko-dobojskog kantona", broj: 9/13 i 1/14) iz razloga što je rok za zamjenu oružnih listova kroz izmjene i dopune zakona produžavan već tri puta.

Naime, prema odredbi člana 59. Zakona o nabavljanju, držanju i nošenju oružja i municije rok za zamjenu oružnih listova bio je godinu dana od dana stupanja na snagu zakona koji je istekao 07.1.2011.godine, koji je potom izmjenom predmetnog zakona u 2010.godini produžen za još dvije godine, a potom izmjenama i dopunama zakona u 2013.godini isti produžen za još jednu godinu, a zatim je izmjenama zakona u 2014. godini rok produžen do 30.06.2014. godine.

Ovo Ministarstvo je nakon isteka posljednjeg roka (30.6.2014. godine) pokrenulo upravne postupke oduzimanja oružja za vlasnike oružja koji nisu zamijenili oružne listove do navedenog datuma, tako da je veći dio tih postupaka pravosnažno i okončan . Posebno želimo naglasiti da je ovo Ministarstvo za svaku izmjenu zakona javnost blagovremeno obavještavala putem medija, kontakt i gostovanja u odgovarajućim emisijama, a određena zaduženja za informisanje građana za zamjenu oružnih listova imale su i organizacione jedinice Uprave policije, odnosno Policijske stanice u svakoj općini.

Također, želimo istaći da je prilikom izmjena i dopuna zakona koje su izvršene u 2013, godini kada se predmetni zakon usaglašavao sa međunarodnim aktima kada je produžen i rok za zamjenu oružnih listova aktivno učešće su imale i lovačke organizacije/udruženja sa područja Zeničko-dobojskog kantona kada je javna rasprava za navedene izmjene i dopune zakona provedena na cijeloj teritoriji Zeničko-dobojskog kantona.

Zakon je rađen u redovnoj proceduri sa provedenom javnom raspravom i nakon nekoliko puta produženih rokova za zamjenu oružnih listova i početka primjene norme koja je na snazi, odnosno odgođena primjena ove norme i informisanje građana o istoj trajalo je četiri godine.

Prihvatajući predloženi inicijativu bilo bi pravno neozbiljno i neopravdano, jer bi na ovaj način došli u jednu pravnu nesigurnost.

Iz svega naprijed navedenog smatramo da podnesenu inicijativu ne treba prihvatiti posebno iz razloga što bi se vlasnici oružja kojima je već oduzeto oružje stavili u nepovoljniji položaj u odnosu na vlasnike oružja za koje je postupak oduzimanja oružja u fazi provođenja.



Broj: 01/02- 02-22655/15
Zenica, 24.12.2015. godine

ZENIČKO-DOBOJSKI KANTON
VLADA KANTONA
Stručna služba Vlade
n/r sekretara

PREDMET: Inicijativa Hasana Handžića, poslanika Skupštine Zeničko-dobojskog kantona za donošenje Zakona o izmjenama i dopunama Zakona o nabavljanju, držanju i nošenju oružja i municije - *dostavlja se*

U prilogu ovog dopisa, shodno odredbi člana 112. stav 1. Poslovnika Skupštine Zeničko-dobojskog kantona - Novi Prečišćeni tekst («Službene novine Zeničko-dobojskog kantona», broj: 7/12 i 12/13), dostavljamo Vam na mišljenje Inicijativu Hasana Handžića, poslanika Skupštine Zeničko-dobojskog kantona za donošenje Zakona o izmjenama i dopunama Zakona o nabavljanju, držanju i nošenju oružja i municije, koju je imenovani podnio na ponovo zakazanoj 21. sjednici Skupštine održanoj dana 23.12.2015. godine.

Naime, odredbom člana 111. Poslovnika Skupštine Zeničko-dobojskog kantona, propisano je slijedeće: „Inicijativu za donošenje zakona može pokrenuti svaki poslanik Skupštine radno tijelo Skupštine, Vlada, ministarstva i ostali kantonalni organi, kantonalna javna preduzeća i druga pravna lica, općinska vijeća, kao i građani i njihova udruženja”.

Članom 112. stav 1. Poslovnika Skupštine Zeničko-dobojskog kantona propisano je da inicijativu za donošenje zakona predsjedavajući dostavlja Zakonodavno-pravnoj komisiji Skupštine i Vladi Kantona na mišljenje.

Molimo Vas da nam u propisanom roku od 30 dana dostavite mišljenje povodom navedene inicijative.

S poštovanjem,

PRILOG: - Izvod iz transkripta sa (ponovne) 21. sjednice Skupštine Kantona održane 23.12.2015. godine u kojem je sadržana inicijativa Hasana Handžića, poslanika Skupštine Zeničko-dobojskog kantona za donošenje Zakona o izmjenama i dopunama Zakona o nabavljanju, držanju i nošenju oružja i municije

DOSTAVLJENO:

- 1 x Naslovu,
- 1 x Svim članovima Zakonodavno-pravne komisije/04-02,
- 1 x Svim poslanicima Skupštine/05-03,
- 1 x Ministarstvu unutrašnjih poslova,
- 1 x Poslaniku Hasanu Handžiću (*na znanje*),
- 1 x U spis predmeta-03

SEKRETAR
Ibrahim Avdagić



IZVOD IZ TRANSKRIPTA SA (ponovne) 21. SJEDNICE SKUPŠTINE
ZENIČKO-DOBOJSKOG KANTONA OD 23.12.2015. GODINE
PREDTAČKA DNEVNOG REDA: „POSLANIČKA PITANJA I
INICIJATIVE“

HASAN HANDŽIĆ

Hvala predsjedavajuća,

Iako sam danas imao potrebu da postavim nekoliko pitanja, zbog hitnosti i nemogućnosti čekanja problematike za koju želim danas da pokrenem inicijativu, odnosi se na Zakon o nošenju, držanju naoružanja koji je bio i u prošlom mandatu i na kojem se bivši ministar izuzetno debelo potrudio da ga odradi onako kako je u tom momentu bilo najpovoljnije. Odnosi se na član koji tretira obavezu zamjene oružanih listova u Zakonu o držanju i nošenju naoružanja u dijelu koji tretira rok za zamjenu oružanih listova, poslije toga dolazi do oduzimanja naoružanja legalnim nosiocima vatrenog oružja, vatrenog sportskog oružja. Obzirom da većina legalnih zakonitih nosilaca nije bila blagovremeno i adekvatno informisana dolazi do oduzimanja naoružanja velikom broju ljudi koji se bavi sportom i mogu uslovno rečeno ne svojom greškom. S toga pokrećem inicijativu da se izmjenama i dopunama Zakona u članu koji tretira zamjenu oružanih listova produži ovaj rok na nekoliko mjeseci, a da resorno ministarstvo preko lokalnih MUP-ova adekvatno obavijesti nosioce naoružanja da su dužni isti zamijeniti oružane listove kako ne bi dolazilo do oduzimanja oružja, koje po sili Zakona ide na uništavanje, a oružje izuzetno velike vrijednosti. Da ne govorim o onoj drugoj stvari koja može doživjeti kao posljedice... i sami znamo u periodu kada je trebalo braniti ovu Bosnu, lovačka društva i oni koji su to posjedovali bili su jedna velika i respektabilna vojna formacija.